

小倉山房詩文集

冊六

小倉山房詩集卷三十四

壬子癸丑

錢唐袁枚子才

二月二十八日出門重遊天台

一息尙存我千山不讓人重攜靈壽杖直渡大江春柳絮飛如雪桃花吹滿身  
親朋齊莞爾此老越精神

記得前年住湖樓樂有餘牕招花月入燈照水雲虛遊子登山屐佳人問字車  
者番尋舊夢風景更何如

到杭州

不到西冷已二年重來風景更清妍條桑葉綠初抽雨野菜花黃直接天廢寺  
僧無鐘磬響幾家墳有紙錢烟湖光似鏡頭如雪照見今生已了然

身似晨星影太孤故鄉同伴孰招呼九原前輩知來否

錢璣沙

萬里纍臣尙在無

成衛宗

感舊空吟潘岳賦傳經又畫伏生圖宋家姊妹多才思爭把新詩質老夫

謂碧梧姊妹

閒行

飛絮飛花有宿因重尋春夢最銷魂關心七十年前路處處閒行認履痕

越溪舟中喜晤李曉園太守

再訪天台過會稽欣逢賢守急樞衣停船便取金杯酌揮塵頻聞玉屑飛入郡

志書方纂輯四方名士盡歸依

謂朗齋斗泉諸君

尚書兩代憐才慣克繼家風世所稀

公爲河帥香林尚書之子湛亭尚書之孫俱以愛賢禮士稱

杜陵遊興老還濃幸得依棲嚴鄭公特遣蒼頭扶白髮更將畫舫換烏篷

公命家人

將坐船送入天台

千林紅雨飄征蓋一路青山問舵工不必瓊臺登絕頂此身已到九

霄中

衰翁遊罷有餘情閒步山陰聽政聲二百朱提周驛吏

趙質彬

三千白骨葬蒼生

公野墟三千餘棺

東平爲善心逾樂房豹居官水變清我到江南怕傳說惹他父老望

干旌

斑竹贈潘校書兼調香巖

陡遇仙山一朵雲小樓春暖百花熏  
昆邪自覺衰如許不入氈幃惱細君  
寄語摩登掃淨房香嚴童子貌相當  
巫山努力行雲雨一夜溪聲助汝忙  
未死春蠶尚有絲白頭無奈兩瓊枝  
遲眠私取銀燈照要看桃花受露時

答問

昨夜燈前酒未乾今朝曉露濕征鞍  
重來一問尋常話奈我衰年答最難

徐朗齋讀此詩而哀之爲代答一首

八十華顛千里路後期重訂謝紅妝  
餘杭酒熟吾還到只恐麻姑鬢有霜

到華頂有懷霞裳

賈勇登華頂無言度石梁桃花含薄怒  
向我索劉郎  
問得張思曼何如劉阿稱衰年貪有伴  
古佛也傳燈

茅蓬訪梅谷僧不值留詩託履中上人代寄

十年前訪君君往城中去今年再訪君  
君又往何處前年我亦城中行君來相  
見懽喜生今年我竟自崖返未免此別  
難爲情二千里外龍鍾叟意外重來事

竟有留下茅蓬字數行遠公歸後相思否

將到上方廣卽聞瀑聲

我來非拜佛僧誤認燒香鐘鼓一齊作袈裟披曳忙心雖如水靜髮已比松蒼  
瀑布如相迎聲先響上方

從天柱嶺到天宮寺一路險絕前所未經賦詩以晉導者

平生說山遊天台爲最樂峯高不礙車地險可受足何圖此番老來僧竟余毒  
教走天柱嶺晚到天宮宿路斷多崩沙草深少樵牧直下五千仞旁無三兩曲  
欲休不得休肩輿屢脫輻迷雲入大荒傍澗臨絕壑踏石石先動攀樹樹已禿  
往前惟有飛退後無從縮自慚羝觸藩羨殺猱升木輿夫氣力盡揮汗狀覈鯨  
縱以性命殉渠死我何託背聳若就沐尻高坐離褥譬如椀盛水椀欹水便覆  
我今身在輿輿掀身應落苦以手據輓臂痛口呼暑痛久倘不禁一仆寧能作  
旣無李清繩難把趙羅縛將學冉猛顛惟有昌黎哭直待諸劫盡纔得百身贖  
殘星爲招魂炊梁爲果腹寄語天下人萬事無欲速大道自坦夷小徑終局促

導師慎指南一誤悔難復

從天宮寺出山竟還班竹將國清高旻兩寺忘却不遊亦爲導者所誤

兩處伽藍景最幽肩輿已過始回頭想應福地鄉孃好只許張華一度遊

棠溪遇顧伴繫孝廉拉遊南明寺觀石佛

天台自崖返餘情尙鬱陶幸逢顧野王棠溪將我招輕雲遮日炙雜花隨風飄

老人學黃鳥上樹啄櫻桃

吳園櫻桃紅鮮層疊余登樹攀而啖之不及摘也

紅珠折纍纍插蓋車搖搖

行至南明寺山形尤峇嶢鑿成天然殿則徹無邊撩中立一石佛其狀淩烟霄

雕自元嘉年成於梁武朝掌擎千僧膳口含五石匏似學修羅王噉月月必逃

倘作夸父渴飲海海亦消金裝到乳盡名香抱脚燒有猿入耳住無鵲借頂巢

差免踏醉象或可驚山魃我來耳目新彌增游興豪敢獻小言賦爲解大佛嘲

洪師昔上天自顧成焦僂教念須菩提一念一丈高我若得此法頃刻誇曹交

神通隨變換芥子須彌包勿侈形軀怪而忘工匠勞試觀天龍笨何如獅子超

舟行越溪見山腰有一圍白處徐小汀云此卽射的山也



挽臂操弓易當場命中難仙人今不見懸的與誰看

曹娥廟

久說曹娥廟今纔打槳尋滔天江上水抱父女兒心黃絹題詞在青苔古墓深  
燒香來此處絕勝拜觀音

遊四明山作

從嵎縣入四明山不過山之一角耳業已險絕宿石屋禪林一夕而返  
四明山高莫名狀兩峯夾空作屏障長篇大股氣鬱蟠絕地通天自開創奇松  
伸臂似來攬怪石攔人不肯讓白雲偶被風蕩開僧樓影落青天上僧樓可望  
不可登回盤曲折崖千層業已攀藤擁樹氣力盡忽然飛泉截路如奇兵籃輿  
欹竹攔短心愈急路愈遠吩咐輿夫行緩緩縱墜深潭也不妨松花鋪地如棉  
軟僧樓已到坐須臾盲風怪雨起四隅佛堂鐘磬亦大作似與風雨相唱喁客  
子吹燈暫休息兩耳喧騰灘水急徹夜誰將屋柱搖打門疑有蛟龍入分明身  
臥海潮中明日先生行不得誰知晨起來陽光照牕縫未午山路乾樹枝風不

動依舊松陰一路歸但添瀑布千條送夜雨朝晴樂不支洗心亭上立多時天  
公于我若有私早知此老遊山清福尙如許何必前年乾啼濕哭廣徵生輓詩  
錢忠懿王墓

新昌路旁古墓敬大書忠懿錢王碑更書南京尙寶某爲十世孫德洪題其墳  
旁隆中窪陷頗似發掘遭赤眉在昔錢王薨逝後宋主恩禮無少衰賜葬洛陽  
賢相里不聞此地曾輿機或者子孫衣冠葬七百載事難參稽從來正史與碑  
碣往往傳聞多異詞崇韜枉哭子儀像安生誤受熊光欺我非成精老桑樹難  
呼翁仲說是非且題數行書所見郢書燕說存其疑

題武肅王像求觀鐵券不得

遊桃源歸過護國寺僧洪乘說錢王鐵券藏王村錢亨恂家卽往訪之  
主人故農也合家款客出武肅像與觀云券現在天台縣城中族長文  
川公處

展卷驚逢王者來如日出海雲爲開垂頤廣顙目閃閃是人是龍心疑猜良久



方知武肅像天生乾坤命世才  
擲却鹽車便用武越水吳山裁  
有主黃腰獸至走若麀妖鳥羅  
平變爲鼠劍氣能寒十四州潮  
聲尙怯三千弩餘杭美酒千斛  
馱灑作故鄉春水波小名悉憑  
鄰姥喚大風且唱高臺歌八十  
金尊九十玉次第分頒與民樂  
白頭醉倒手親扶赤子遮留馬  
前伏石鏡重看舊冕旒山龍更  
挂新衣服過眼滄桑七百年銅  
駝石馬盡寒烟將軍衣錦今何  
在我亦遺民過惘然相傳鐵券  
王孫護走訪方知傳者誤只有  
農氓荷鍤歸手舂黃梁留我住  
想見君王愛士心家風此日還  
如故不肯填西湖不肯號皇帝  
保障生靈有深意花開陌上送  
妃歸婆留老矣還娛戲可惜稱  
臣漢賊前仲謀略損風雲氣嗚  
呼君不見南朝三十六英雄曾  
無一個肯受朱三封但聞聲聲  
苦勸討賊羅江東

肅賢大夫詩

有序

門下士陳尙志作涇縣校官爲同官某試禮部濫出印結致擬城旦安

慶太守孫公

藩

憐其衰老爲之贖罪素無交也陳感深次骨求余詩以

紀其事

陳琳贖城旦邂逅遇英雄直把千金贈曾無半面通仁心羊太傅高義狄梁公  
我爲書名姓留詩待采風

朱君家濂刺光州以邪教事爲撫軍陳某勒辦批牒現存後別案發覺  
部議嚴切而陳全卸過於朱朱隱忍不辨有開封司馬李林字西園者  
意大不平爲力爭於後撫楊公致遭怒謫以喉疾亡朱故引陳例徵詩  
千卿緣底事開口直如絃不覺身無位惟知上有天迎風花易謝觸樹瓦難全  
此際當權者應羞見九泉

到鏡湖寓菴訪平瑤海太史臨別有贈

櫓響客將到開牕君已迎湖寬多得月地僻只聞鶯松學蒼髯色詩分貝葉聲

觀音含笑坐得句定先呈

寓菴供綠衣  
觀音一座

羨我人緣好欽君道氣深趨朝前世事看水一生心護世城中膳成連海上琴

此來雙領取垂老別難禁

先生肴饌精絕於  
枚詩文矜寵過當

遊天台歸留別武林諸友

要訪桃源第二回攀藤抱樹上瓊臺果然涉險能忘老始信成仙別有才杖底雷聲溪水急雲中花影石門開笑他劉阮都輸我一到人間不再來

歸舟何處訪煙霞又到雲門與若耶武穆祠堂瞻賜勅

起復岳王賜

仙靈古寺

認袈裟

仙靈寺藏基公金絲袈裟有緯無經不知當時作何織法厚三分許

百般隨喜都尋夢一動塵心便憶家

寄語諸公休戀別他生還看故鄉花

從杭州起身到蘇松毗陵京口所過故人家輒留一宿

七十七翁老如許三年一看西湖雨歸來處處作勾留累得家家具雞黍諸公休問重來期此事茫茫非我主慣說不來偏又來無顏再作欺人語

聞麗川方伯實授巡撫喜而有作

四省屏藩足馬馳十年勲績九重知民看牙纛思公久帝重封疆下詔遲

畢竟天隨人意轉肯教雲受野風移

公久受天眷有忌公者尼之

于今江左同稱慶半壁東

南某在斯

閒鷗江上冷如冰也學山雞舞不勝待我情同歡喜佛欽公心是水精燈事無  
掣肘經綸易胸有包羅福量增更幸秋闈監試近高軒一月駐金陵

五月二十一日到家

兩度天台返曾無七百年迎門妻子笑到底不成仙  
分付兩兒子行囊富不支急營牆百尺挂我送行詩  
意外東風好長江一葦杭人愁三伏近天送七宵涼

讀悅親樓詩爲祝芷塘給諫作

手編珠玉寄江東白首袁絲拜下風華嶽三峯從筆起混茫一氣接篇終分明  
任昉來天上何必王球定侍中

給諫少年以風貌見推

我怖君詩似孫策有誰旗鼓鬪英

雄

讀楊蓉裳駢體文喜而有作時牧靈州寄來

白草黃沙萬里秋珠璣吹下古靈州上追六代攔難住下取千秋得始休月下

吹簾能退賊盾頭磨墨竟封侯文章的傳薪處惹我燈前掉白頭

君宰伏羌守城三日

賊兵  
退走

聞蘇州丁姬事有感

附草休教附蒺藜落花何必落污泥玉兒一死真難得可惜蕭郎貨色低

用徐世綸

向梅蟲  
兒語

賀王尉柏崖生子

筵開湯餅醉春風五十商瞿笑未終冷署忽聞簫鼓響

洗兒日  
演戲

上林初放杏花

紅已欽梅福成仙尉更喜張堪號聖童二十三科前太史祝兒名壽與余同

讀張朝傳

有序

江陰沈吉士作張朝傳朝九歲賣張爲奴張從溫將軍征金川隨營辦事賊圍登春朝拉主人突出重圍夜得驛一頭騎而奔朝步行相從爲賊所擒欲降之不可口呼主人而死

賊勢三更逼奴星一點明雪中將馬讓刀裏帶頭行難拾還鄉骨遙聞喚主聲  
汪錡勿殤可宣聖有餘情

汪義士歌

西冷有義士姓汪名耀川幼不習詩書而能率性天曾事宋令尹

樹穀

結交諸名

賢槃槃才既大觥觥志亦堅宋公故廉吏謫戍到窮邊妻孥泣相顧親朋睨不前耀川愾然請公行無憂煎精衛尙填海頑石亦補天公雖有八口儂豈無一肩願以家事付竭力爲周旋宋公感其義相誓爲昆弟從此一諾終便結千秋契縫人將衣供廩人將粟繼助娶賃屋錢爲兒辦婚費亡何宋公亡羈魂墮遐荒君又駕素車歸骨葬故鄉於今二十霜道路皆感傷我聞李次孫東漢聲隆隆卵翼幼主人兩乳爲流潼身作太守歸走拜墓門松於今千餘載誰能繼此風獨有耀川子行事將毋同如看西湖山南北兩高峯

題王雲上西莊草堂圖

僧祐愛山棲虞山結衡宇蘧廬兩三椽錯落橫煙渚旣已坐臥便更把丹青取寫作西莊圖風月淡如許悵悵獨坐時孤懷少儔侶雙槩聽擊音七絃作琴語但斟村中醪不停戶外屨鴻妻亦最賢農談相爾汝



伊小尹司馬供張棘闌中秋夜作詩見寄卽次原韻

棘闌風靜燭花涼鈴鼓沉沉夜未央天作中秋挂明月人攀丹桂試新香諸生落筆春蠶響主試衡文玉尺忙只有高才白司馬冷吟殘醉管茶湯

謝慶佑之世講贈衣

有序

枚

出文端公門下五十五年矣公督兩江時佑之纔三四歲嬰婉學語彼此不知誰何也今年奉命杭州勾當公事入山見訪懽若平生別後憐余衰老遠寄棉衣三襲貴重華美賦詩謝之

遠製襜褕教我披買絲真箇繡袁絲

猩紅一口鐘最華

不圖一隻悲秋日忽像三軍挾

纈時輕似春雲看便煖長堪覆足寢尤宜袁安從此堪高臥雪滿空山也不知九月七日以真州蕭美人點心餽麗川中丞蒙以詩謝敬答一章

說餅佳人舊姓蕭呼奴往購渡江臯風迴似采三山藥

阻風一日

芹獻剛題九日糕

洗手已聞房老退

美人年四十餘

傳箋忽被貴人褻轉愁此後真州過宋嫂魚羹價益

高

附錄中丞原唱

酒冷燈昏夜未央山人忽餉美人香三千有數君留半

先生命人過江購得三千而以一千餉余

八種紅綾我盡嘗山月不催人影去江風猶傍指痕涼紅綾捧出饒風味可似真州獨擅長

將阿遲寄中丞膝下蒙賜文綺雜佩諸珍代兒作謝

呼爺尙未逾三日珍物頒來已百般鱸礪丁當童子試天孫雲錦衆人看製衣

尙覺身材小佩鞶應教嬉戲難寄語都中乾阿嬾幾時披了問娘安

公夫人  
在都中

慶樹齋尙書別三十年今春奉命赴浙余迎謁揚州出聽其所止圖命

題

一葉扁舟萬頃風尙書心共水雲空終朝含笑推蓬坐但指青山問舵工  
愛聽拏音似管絃浪花無際水搖天平生爲國馳驅慣不肯收帆白晝眠  
曾經絕塞走風沙曾到東甌泛海槎底事心波渾不動胸中自有指南車  
小住邗江笑口開九峯園內好樓臺前身合是歐陽子隔歲平山兩度來

姑蘇記否駐雕輪。昆季樞衣見小君。今日風帆依舊過，不知何處問朝雲。

指申年

事兼調晴  
村都統

憶昔先師不繫舟，東西南北任勾留。慈航普度蒼生了，調鼎黃扉已白頭。

老我披圖喚奈何，且將題畫當驪歌。輸他櫓後鷗鷺好，得共春江泛綠波。

拉余同往

杭州以年  
衰辭免

明知後會是空談，竟說來生又不甘。苦向封姨百回祝，再吹此舫到江南。

某明府兩夫人招女校書到園張飲爲賦一詩以美之

賢媛挾妓來聽曲，手拔金釵賜美人。真箇佛門多變相，觀音不是女兒身。

樹齋事畢還朝，余到京口送行，卽用乙酉年送文端公作相原韻。

唱罷皇華四牡歸，別何迅速見何遲。送君要忍雙行淚，奈我年登八十時。青史功名須是愛，白頭後會恐無期。海天兜率相逢處，再作通家未可知。

尙書和

憶昔江城送北歸，共垂別淚意遲遲。忽來邗上重逢日，正是先生矍鑠時。丰